



UNIVERSITÄTS-  
BIBLIOTHEK  
PADERBORN

**Nicolai Lancicii E Societate Iesv Opvscvlorvm Spiritvalivm  
Tomvs ...**

**Łęczycki, Mikołaj**

**Antverpiae, 1650**

De deuotionibus quæ fieri possunt in nocte Natiuitatis Domini. Cap. XX.

---

[urn:nbn:de:hbz:466:1-78821](https://nbn-resolving.org/urn:nbn:de:hbz:466:1-78821)

Ad Orationes vltimas id pete à Deo quod ante Euangelium petendum dixi.

Benedictionem Sacerdotalem summâ cum humilitate, fide, desiderioque celestis benedictionis recipe genibus flexis, tantillum inclinato capite ob reuerentiam ordinis Sacerdotalis, Christi officium representantis.

Ad Euangelium S. Iohannis, ausculta illud, Deoque redde gratias pro beneficio incarnationis: pete tuo corpori ac membris omnibus, animoque tuo ac omnibus potentiis omnibusque actionibus tuis tantam gratiæ ac donorum celestium vberitatem, quantam Christus meruit pro nobis proportionem quadam applicandam.

Ad verbum *Caro factum est*, Adora affectu maximo humanitatem Christi vnitam verbo, & in cælo & in SS. Sacramento, & imploratâ benedictionem à SS. Trinitate & Christi Humanitate, recede ad reliqua numia, tibi præscripta purè propter Dei amorem obeunda.

Existimo hunc modum audiendi Sacri placere Diuinæ Maiestati: quia cum illum Italicè à me priùs scriptum, accomodassem Romæ moniali Ordinis S. Benedicti in Turri speculorum (vt vocant) tunc manenti, Emilia Mutæ germanæ forori Cardinalis Muti & Marchionissæ Mutæ, illaque ob defectum temporis illum tunc legere non valens, scriptum meum reposuisset in cella honesta quidem, sed ob inclusum diu aërem oclusas fenestras & portam habente, terti odoris, postquam die sequenti in eadem cella illud accepit ad legendum, sensit ex ipso scripto effundi suavissimum odorem instar liliorum, quorum tunc tempus non erat, & quatenus nullus esset odor naturalis suavis in ea cella, nec artificialis.

## CAPVT VIGESIMVM.

*De deuotionibus que fieri possunt in nocte Natiuitatis Domini. Proœmium.*

179. **I**uxta quantitatem temporis quod habebis pro meditando hoc Mysterio, in singulis titulis Domini Iesu immorare, ponderando futurus, quàm hic scriptum sit, quomodo, qua ratione fuerit lux, via, pastor, &c. & in singulis fac reflexionem ad te duplicem. *Primò*, quomodo singulis istis titulis præstiterit, & præstet tibi & aliis, Dominus Iesus singulare beneficium, te docendo, illuminando, ducendo, pascendo, regendo, redimendo &c. *Secundò*, quomodo tu non correspondeas tam benè vti deberes, eius illuminationi, doctrinæ, ductui, &c. vt ita te humiliter, & doleas breuiter (infra, id facturus ex professo futurus) & proponas emendationem, & petas gratiam te emendandi, & compariaris ei quòd multi alij, & ferè omnes non correspon-

s. Quir-  
ed.

deant his eius beneficiis, quæ præ se ferunt isti eius tam multi tituli. *Placet Deo*, dixit in raptu B. M. Magdalena de Pazzis, in riatoribus magis exercitium doloris quàm amoris, quia illud est species Martyrii, quo anima sunt similes ei in Cruce pendenti, & dolore suo possunt compati eius magnis poenis, & flere amaris lachrymis eius Passionem. Et post quandam Communionem didicit à Domino, vt instar turturis generet ei, compateretur, quòd tam parum sit cognitus & amatus à creaturis.

*Primò*. Adora omnium primo D. Iesum, puerum de Bethleem (vt eum appellabat S. Franciscus c. 10. vit. Aethias, dum impetratâ licentiâ à Summo Pontifice, fecit nocte Natalis Domini præparati præsepium, apportari fœnum, bouem & alinum ad locum adduci, & puerulum ex aliqua materia fictum reponi in illo præsepio) Adora inquam in Humanitate, tanquam Homine Verbo Diuino hypostaticè vnitum, quia in humanitate tunc primum comparuit. Adora autem, tanquam futurum, *Exemplar* omnis sanctitatis, *lucem mundi*, etiam hac nocte illuminantem pastores, *viam* peregrinantium viatorum, etiam hac nocte ducentem ad se pastores, *Fratrem nostrum* factum per assumptam Humanitatem, *veritatem* per impletionem visibilium veritatum prædictarum à Prophetis de eius Aduentu, nunc inchoatam manifestè: *Parvulum* Filium Virginis, *agnum Dei* tollentem peccata mundi, *Emmanuel*, nobiscum Deum, *Iustum nostrum*, in se iustum, & omnis nostræ iustitiæ fontem in exhaustum, *Principem pacis*, quam hac nocte annunciant Angeli. *Non habentem vbi caput reclinet*, quia non erat ei locus in diuersorio hac nocte, *Magistrum*, nunc & postea exemplo suo docentem nos paupertatem, patientiam, humilitatem, mansuetudinè, postea & exèplo & verbo plura docturum, *legislatorem*, futurum authorem nouæ legis, quia nihil poterat lex vetus ad perfectum adducere, vt noua lex adducit, *Pastorem* pro ouiculis etiam malis moriturum, & tot lupis se expositurum in passione, & aliàs; *Ducem* militiæ, sub vexillo Crucis milites congregaturum; *Admirabilem* & in persona sua habente vnitam humanam naturam & tot alia nota Theologis, & in operibus miraculosis; *Consiliarium*, sana consilia per Scripturam, per suam prædicationem, & per internas inspirationes suppeditaturum; & per internas inspirationes suppeditaturum; *Signum cui contradicetur*, tot modis & à Iudeis & ab aliis, & à viuentibus non iuxta eius doctrinam & consilia; *Ruinam multorum* qui ei non credunt & non obediunt; *Resurrectionem multorum*, qui ei credunt & obediunt; *Panem de celo descendentem*, nos in Eucharistia pascentem; *Galilæam* nos sub alas suas congregaturum si voluerimus; *Clamantem in deserto* huius mundi quid penitentiam agite: Intrate per angustam portam. Qui non baiulat Crucem suam & sequitur me quotidie, non est me dignus. *Amicum*, quia quæ audiuit à Patre, nota fecit nobis, & mo-

4. pat. vi.  
12. c. 2. g.

modo per inspirationes occultas & per Superiores, & per socios bonos idem facit; *Petræ fundamentalem & angularem* Ecclesiæ, cuius te fecit filium, relictis tot aliis, infidelibus, Iudæis, Hereticis, Schismaticis; *Caput Ecclesiæ*, cuius te fecit membrum, laus Deo, viuum, & quidem (si Religiosus es) cubicularium, & si Sacerdos es, dispensatorem tot thesaurorum, Ecclesiæ per Sacramentorum administrationem, & verbi Dei prædicationem; *Redemptorem*, in Cruce cõpletorum tuam redemptionem, inchoatam ab Incarnationis instanti, & nunc publicè inchoatam, *Saluatorem*, post mortem deducturum ad celum inuitos saluandos; *vitam in cœlo* se præbitorum obiectum vitæ æternæ, post tui saluationem; *Mediatorem*, in cœlo perpetuum, in causis, &, ve ita dicâ, litibus peccatorum cum Deo Patre; *Advocatam*, intercedentem pro misellis peccatoribus ne damnentur; *Propitiatorum pro peccatis nostris*, eorum remissionem concedentem peccatoribus, id petentibus, & non petentibus; *Sacerdotem*, cum ministris Ecclesiæ quotidie sacrificantem in sacris altaribus. *Agnum Dei tollentem peccata mundi*, his modis. Primum. Non puniendo statim peccantes. Secundò. Expectando diu peccatores, vt penitentiam agant. Tertiò. Penitentiam agentibus parcendo. Quartò. Reciditibus toties in peccata aliàs condonata, gratiam suam conferendo. Quintò. Pœnas pro peccatis debitas variis modis condonando, vel inleuiores satisfactiões commutando, easque benignè acceptando. Sextò. Pro peccatis satisfaciendo, vita, passione, & morte sua. Septimò. Multos præseruando à peccatis. *Patrem futuri saeculi*, quia semper vt pater filium prodigum, recipiet peccatores ad se recurrentes, omnibus seculis huius vitæ quam diu durabit mundus; *Lionem*, arcentem lupos infernales ne nos deuocent; *Regem Regum & Dominum dominantium*, cui omnes Monarchæ tubsunt; *Salutare Dei*, quia semper paratus est omnibus dare auxilia & dona salutis, *Iudicem futurum*. Et tandem *Deum sortem, Deum de Deo, consubstantialem Patri*.

Secundò, actu explicito fidei, corde, & ore hæc omnia pronuncia, sic: Credo, & sanguine meo paratus sum confirmare hæc veritatem, te esse verum & realem hominem (contra omnes hereses) te esse exemplar omnis sanctitatis (contra blasphemos Iudæos qui id negabant) & fidei titulos.

Tertiò, gratias illi age, quòd homo factus sis, & hac ratione voluerit esse tuum Exemplar, Lux, via, &c. percutte explicitè omnes titulos eius.

Quartò, Dole, quòd non responderis illius titulis, non sequendo eius exempla, non exequendo eius lumina, non incidendo per viam ab eo demonstratam, & sic percutte alios eius titulos, cum melius illum noscas, quam multi

alij, seculares, & cum sis seruus & domesticus eius.

Quintò, Offer ei aliquod donum vel aliqua, vt solet fieri hospitiibus magnis, maximè si visitent Domini; suum seruum & mancipium.

Offerre autem potes hæc,

I. Vota tua.  
II. Voluntatem nunquam peccandi mortaliter.  
III. Voluntatem nunquam peccandi delibèratè.

IV. Nunquam peccandi indeliberatè, sæpe.  
V. Nunquam grauius peccata venialia committendi, vt sunt detractiões.

VI. Nunquam in operibus Dei cultus, peccandi etiam in delibèratè.

VII. Nunquam, contra castitatem etiam mente peccandi venialiter.

VIII. Semper eligendi quod perfectius est.

IX. Inter aequè perfecta vel dubia, eligendi id quod est magis conformè eius vitæ humilitatè, & contemptu.

X. Semper proficiendi in virtute.

XI. Nunquam derectandi rem à Superiore iniunctam, nisi ea (quod nunquam erit) sit peccatum, & planè Physicè sit impossibile vt eam exequaris.

XII. Conuersandi semper cum magis spiritualibus, etiam si ob id deberes pati à Non Superioribus ipsam mortem.

XIII. Corrigendi aequales, dum violant Regulas in præsentia tua, si speres inde fructum, & id suauius & quasi ridendo, non impetuose faciendo.

XIV. Ob humanos respectus nil mali faciendi, nil boni omittendi.

XV. De rebus ore religioso dignis semper loquendi.

XVI. De nullâ iniuriâ querelas instituendi.

XVII. Benè interpretandi aliena dicta, & facta, & intentiones.

XVIII. Omnia faciendi, quæ æqualis vel inferior te, à te expetierit quæ possis facere sine offensa Dei & Superiorum.

XIX. Nunquam eligendi, aut procurandi vllum locum, officium, gradum, occupationè, sed instar iumenti, id acceptandi, vel non habendi, quòd Superior iniunxerit, vel non condeserit, nisi aliud facere clara & certa necessitas coegerit.

XX. Amandi semper aduersarios vel inimicos, usque benefaciendi.

Sextò, Adiungendo te pastoribus, tanquam mendicus pete.

I. Remissionem peccatorum quoad culpam.

II. Remissionem peccatorum quoad pœnam.

III. Vitæ Sanctitatem.

IV. Perpetuum progressum in virtutibus & in Sanctitate.

V. Gratiam alios facendi meliores, per tuam conuersationem, per tua colloquia (sunt hæres distinctæ) per tuas preces, & aliis modis Deo noris, & solitis: ut est, ipsa præsentia & habitatio in aliquo loco, quia Deus multa mala auertit, multa bona confert, & Domiciliis, & personis, solo intuitu, quod ibi maneant aliqui sui dilecti amici.

VI. Alias necessitates tuas personales commenda, quæ sunt diuersæ, ut sunt diuersæ personæ.

VII. Pro S. Ecclesia pete. Primò. Ut minuat in ea numerus peccatorum. Secundò. Ut conuertantur quam plurimi Infideles, Iudæi, Hæretici, Schismatici. Tertio. Ut multiplicentur magni Sancti. Quarto. Ut pastores Ecclesiæ, quam plurimos trahant ad Dei timorem & amorem, verbo & exemplo.

VIII. Pro Religiosis Ordinibus, & tuo Ordine pete. Primò. Ut maneant in primitiuo Spiritu. Secundò. Ut semper proficiant in virtute. Tertio. Ut det eis Deus temporalia subsidia, ad victum, & vestitum sufficientia. Quarto. Ut eos contra aduersarios tueatur. Quintò. Ut faciat idoneas personas ad illos intrare, & non permittat ingredi, qui sint futuri scandalosi & non perseueraturi. Sextò. Ut eorum benefactoribus ample benedicat in hac vita & in futura.

IX. Pro principibus secularibus. Primò. Ut colant & venerentur S. Ecclesiam, & tueantur. Secundò. Ut inter se sint concordēs. Tertio. Ut subditos regant sicut filios Dei, non iniuste, non despotice, sed fauorabiliter. Quarto. Ut habeant felicem successum in negotijs iustis ad sui Regna incolumitatem & propagationem spectantibus. Quintò. Ut sic transeant per bona temporalia ut non amittant æterna.

X. Pro mortuis. Primò. Ex purgatorio liberationem aliquorum faciendam in hoc primo ingressu D. Iesu in mundum. Secundò. Quia aliqui iusto iudicio Dei debent diutius manere, ut saltem pœnæ illorum alleuientur, ut agnoscant Christi Natiuitatem annuè celebrari, & fructum eius tanquam Salutaris Dei, & Agni tollentis peccata mundi, etiam hac ratione percipiant.

Septimò. Age gratias Patri æterno pro Christo nato, & pro tot beneficiis inde ortis, &c.

Octauò. Age gratias Spiritui Sancto, quod cooperatus sit huic rei: Spiritus Sanctus obumbrabit tibi.

Nonò. Age gratias Verbo, quod dignatum sit vnire sibi hypostaticè Christi Humanitatem, & eius corpusculum in instanti formare totum, & nasci saluam virginitate Mariæ.

Decimò. Gratias age Sanctissimæ Trinitati, quod Sanctissimæ humanitati concessit cla-

ram visionem beatificam ipsius, ab instanti Conceptionis. & Meritorum plenitudinem (in qua non creuit) in beneficium multiplex generis humani.

Vndecimò. Gratias age B. Virgini, quod Christum pepererit, & se disposuerit Sanctè ad hanc Natiuitatem.

Duodecimò. Gratias age S. Iosepho, quod Christo nato seruerit & postea.

Decimotertio. Gratias age illis Angelis qui catarunt, Gloria in excelsis, &c. & duxerunt pastores ad præseppe Christi.

Decimoquarto. Age gratias illis pastoribus qui Christum adorarunt primi.

Decimoquinto. Cogita quales actus Puer de Bethleem, elicerit in præseppe erga Deum Patrem, erga Spiritum Sanctum erga Mariam, & Ioseph, & Pastores, & Angelos qui tunc cantabant, & ex omnibus proficere stude.

Decimosexto. Offer SS. Trinitati puellum Iesum, pro tuis peccatis, pro beneficiis, pro necessitatibus tuis, & aliorum; viuorum ac mortuorum.

Decimosextimo. Compatere Christo Domino, considerando eius sanctissima membra, præfertim manus & pedes, qui suo tempore erunt clauis perforandi tui causâ, & totum corpus flagris lacerandum, & caput spineâ coronâ pungendum. Sic B. V. Maria reuelauit S. Brigittæ se fecisse. Licet, inquit, ex diuina inspiratione scirem Filium meum passurum, tamen ex verbis S. c. 57. meonis, quibus dixit gladium pertransiturum animam meam, & Filium meum positum in signum cui contradicetur, grauius perforabat cor meum dolor iste, qui vsque dum assumpta sui corpore & animâ in cælum, nunquam defuit à corde meo, licet ex consolatione Spiritus Dei temperabatur. Et quoties aspicebam Filium meum, quoties inuoluebam eum pannis, quoties videbam eius manus & pedes, toties animus meus quasi nouo dolore absorptus est, quia cogitabam quomodo crucifigeretur.

Decimooctauo. Adora & osculare in Spiritu, stabulum & præseppe in quo collocatus fuit Christus, & pannos illos siue lintea quibus D. Iesus paruulus fuit inuolutus, & fœnum illud aut paleas supra quas iacuit; demulce in spiritu illum bosculum & asellum, qui suo modo famulabantur Domino tuo paruulo. Hoc olim docuit S. Augustinus: Veneramur Christum in S. 21. de præseppe, qui quadrifariam mundum repleuit in fide, temp. sec. Adoremus pannos infantia, ex quibus facta sunt emplastra nature. Honorate pastores, qui primi, ab Angelo mysterium didicerunt. Natali.